

sto Consejo a deliberar. Andò in renga sier Marin Morexini, fo avogador, e contradise dicendo era da indusiar e non correr cussi presto, et meter tempo da mezo. Li rispose sier Lunardo Mozenigo savio dil Consejo era in setimana. Andò le parte: 14 non sincere, 50 di no, 136 di la parte.

Fu posto per li Savii ai ordeni, una letera a sier Alvixe da Canal capitano dil Golfo zercha quelle fuste è in Golfo; debbi proveder et farli danno potendo. Fu presa.

Fu posto, per li ditti, concieder il capitanià dil devedo dil Zante con salario ducati 5 al mexe a uno modoneo chiamato Anzolo da Rezo stato schiavo di Turchi, a raxon di page 8 a l'anno, e sia pagato in formenti a ducati 1 1/2 il mozo, e orzo a ducati 1/2 il mozo, di la mità, e l'altra mità in contadi, come aricordò sier Polo Valaresso fu proveditor li. Ave: 139, 14, 8.

Fu balotà sier Andrea e sier Piero da Molin, qu. sier Marin, voleno levar bancho. Ave: 47 di no... e rimaseno.

El fo balotà 22 piezi de' duchati 30 milia, li quali sono questi qui avanti scriti, et tutti remaseno.

Fu posto per i Savii, che 'l sia cassà uno mandato fece sier Zuan Paulo Gradenigo *olim* proveditor zeneral in campo al Podestà di Montagnana, che Hironimo Guidoto per esser soldato non fusse a stretto nè molestà a pagar, dare etc. fato 1516 a di 8 Dezembrìo; et fu preso. Ave: 103, 10, 24.

Nota. La letera fo scritta al Capitano dil Golfo, posta per i Savii ai ordeni è, come per sue havemo inteso la letera auta dal Conte nostro di Liesna di 7 dil presente, di la captura fatta per le fuste de mori, di do nostri gripi nel porto di Molenia. Per tanto, zonta sarà li a Sibinico la galia Pisana et le tre galie vien da Corfù, *videlicet* Bona, Eriza e Quirina, si debbi levar de li con quelle galie li parerà e vadi a torno il Golfo, e scontrando ditte fuste debbi far quanto per avanti li fo scripto etc. Ave: 147, 4, 5.

138* In questa matina, in le do Quarantie Criminal, per il caso di scrivani di Proveditori sora i officii, parlò sier Alvixe Bon el dotor, avogador: et per esser Pregadi non li poté esser rispo.

A di 21, Domenega. Fo fato quel scrivani dil Collegio con salario ducati 100 a l'anno, justa la parte presa in Pregadi, et rimase Bortolo Bontempo è scrivani ai X Savii in Rialto.

Di Roma, fo letere di l'Orator nostro, di 17. Come la peste, era 4 di niuno era morto. *Item*, il Papa havia dato l'abatia di Borgognoni a domino Sebastian, Trivixan abate, senza dar pension alcuna,

però ch'el cardinal Pixani era andato a dirli non voleva pension alcuna. *Item*, le cosse dil cardinal Voltera, era compito il processo, et si dice per il mancho perderà il capello e li beneficii, si che il cardinal Pixani spera aver il vescoà di Vicenza.

Da poi disnar, fo Gran Consejo. Fato Capitano a Bergamo sier Tomà Moro è di Pregadi, qu. sier Alvise, da sier Hironimo Querini fo savio a terra ferma qu. sier Piero, et altre voxe.

Fu posto dar licentia a sier Francesco Memmo podestà di Montona, di poter venir in questa terra per zorni 15. 541, 58, 1.

Fu posto dar licentia a sier Antonio Loredan podestà di Seravalle, di poter venir in questa terra per per zorni 15, 1122, 156, 1.

Fo cavà il sestier di San Marco a pagar dil Montenovio.

È da saper: El Doxe fo in colera, nè vol si vedi più balote.

Di Brexa, di rectori di 19. Come quel zorno zonzeva de li il reverendo episcopo di Baius Tricharicho, orator dil re Christianissimo. Va a Roma, ma prima vien a Venexia; li vanno contra per honorarlo. *Tamen* non vene, come scriverò più avanti.

A di 22. La matina, in le do Quarantie parlò per li scrivani sopra nominati il suo avochato, et poi posto per li Avogadori di Comun et sier Donado da Leze *olim* avogador, in questo caxo di procieder contra tutti tre. Andò la parte, et prima...

Fu preso che Zuan Andrea di Colti sia privà in perpetuo di l'oficio di 3 Savii sora i officii et per 5 anni di altri officii di la Signoria nostra e beneficii. *Item*, sia condanato a pagar tutto quello sarà cognossù per li Avogadori con il quarto più per pena, quali siano di l'Arsenal nostro, nè ensi di prexon fino non harà pagato integralmente il tutto.

Item, che Agustin Cataben sia privà di l'oficio et per uno anno di tutti officii e beneficii, et pagi *ut supra*, e possi ussir di prexon dando fideiussion di pagar etc.

Item, Zuan Batista Constantini sia privà di l'oficio et pagi *ut supra*, et dando fideiussion possi ussir di prexon. Le qual condanason siano publicate su le scale di Rialto.

Da Roma, fo letere di l'Orator nostro, di 20. Come era stà compito il processo dil cardinal Voltera, e le so' cose anderà mal. *Item*, il cardinal Aus, partiva per Franza, ha dito a esso Orator nostro che il Papa lo manda con molti partidi per accordar il suo Re con l'Imperador, *videlicet*; tuor la fia dil re di Portogalo neza di Soa Maestà in uno